

Zems Zapat meluwan kapi Zemsiyan kuye

Zapat meluwan kapi an kwiyan penan kuye ke sosok penan nen ku kukuñangapmti an keyan kup nep ku zenzeyelen. An Kawawangalen zetgat yanjan mnâmti makup ekñenan an kwi keyet kegogak zet mmot mtot omba penan mimiñan. Notnanan zewienen Zisasiyet meniñan nen kwitnan Zems ek dapmelange alaknan Zelusalem mka teman mambien ekñengat an damunin mange egan kuye manzeip. Zemsiyan an nâmkijpepenmak Zuda mangeengatnan kumkalañti msat sambe mebet kokotnan ekñengat kumindaye.

An kwi ma kwiyan kuye keyan zet apapalak kegok kuye. Zet esentan penan kuye. Zet notnan zapat meluwan kapiyet kenan tazinen Matiyu kuye keyet katan kukuñan. Sekem kebongat Kawawangalen Zet Zapat Dolaknan Penananen mâtâti ekbak. Zems 2:13 makumti naman Matiyu 5:7 kegogak maiñti ekbak. Zet sekam kebon ombanik Zemsiyelen zapat meluwanen aikbek.

Zapat meluwan kapi yanjan kapigok. Am nâmkijpepenmak Zuda mangeengatnan weyanbe weyanbe mti tatnepeme sisipenpen sokbeme eknen katiknan bemtatatgalen nâmti zapat meluwan kapi kuye. Zemâtâtât notnan tazin keyan am kenin ma sekñin melen belen beme nâmkijpepemak tati keyet penan

msokbembeyelen. Kwit Kilais ke zapat meluwan kapiyet tuk etaŋ kukuŋaŋ.

Zet ŋotekŋaŋ temaŋ kapigogaŋ Zems zapat meluwan keŋaŋ talip:

1:1 Zet ŋeŋaŋ bemzenzeyelen zet

1:2-8 Nâmkiŋpepemak mama

1:9-11 Mânep milawatmak mama ma bekopsat mama

1:12-18 Tetimaemaeyaŋ yaŋin mimekbe

1:19-27 Kawawaŋgalen zet wagaŋ etaŋ nânâ ke ŋep yek

2:1-13 Kalalaŋgat yaŋaŋ zenzeŋaŋ

2:14-26 Nâmkiŋpepe yaŋaŋ mim eek

3 Nambalamin ekdamuŋ mimiyelen zet

4:1-5:6 Am msat kapiyelen mama mimi bekaŋaŋ

5:7-20 Zemâtâtât ikŋak ikŋak

¹ Neŋ Kawawaŋ ma Amobotnaŋ Zisas Kilaisiyelen mulup an. Neŋ zapat meluwan kapi ingat indamukumindesâti kuyap. In Islaeliyelen am maŋge 12 ekŋengat iŋsokŋine Zisas Kilaismak tususuŋin tazinaŋ kalaŋti lala bubuk bemti msat kataŋ mekobienaŋ talip.

Nukŋaŋen kaliŋaŋ bem tatalaŋ nâmkiŋpepe penanŋat yaŋaŋ mamsokbein

² Kilaismagen notnne, inmagen nukŋaŋ igak igak sokbeme keyet nâme keŋ sokukuŋaŋmak ku bewe; keŋin oloŋen palen tabep.

³ Kwitnaŋ kwitnaŋ keboŋaŋ nâmkiŋpepeŋin mmek mmek mimindikme katikŋaŋ tabep. Keyet penanaŋ inmagen katikŋaŋ bemti tatat omba sokbemindawe.

⁴ In nâmtokalim tati kan katan nukñañ pumti giñgiñ mtabep. Keyet penañañ nâmkijpepeen kaliñañ bemi an imbi penañ mamaipgapmti nukñañ pusât ku olabep.

⁵ Ingat tunjuwinangatnan am ñenañ Kawawañgalen set ma mama mimi ekñañañ mimiyet nâmtikñañ mam keyet olati ekñañañ Kawawañ dundum same egañ ñep ñoktik dolakñañ am sambe penañ ndamti egañ keyet zem watot watot ku mam.

⁶ Dundusâgât keñ zut palen yek; Amobotnañ nâmkijpemti penañ dunduwep. Keñ zut mbep beme ekñañañ nembu manañ tâgâyañ kumbume mamekwazin keboñ bewep.

⁷ Am keboñgat dundundunjin Amobotnañañ ku manâmindein.

⁸ Am keyelen ñoktikñin kileñ maepeemti mekozin ma ekñañañ mama mimi mamip keyañ set kwewetañ mâti ku mamezin.

Mânep milawatmak mama keyañ penañañ penañ ku bein

⁹ An ñen bekopsat nâmkijpepenmak ek Kawawañañ ekme iññañgat nembrañañ mambein keyet nâmti oloñen mbe.

¹⁰ Yanjut an ñen nâmkijpepenañmak mânep milawat sambe tasain keyepmti sek mobot ku mbe. Kawawañañ ekme yomton beme gilik zem wage keyet nâmti oloñen mbe. Tep elewilinañañ dâlân zemti matolip sepem kekok mânep milawatnañañ yek bewe keyet sek mmobopiñ.

¹¹ Kasuwañ tambuñan penañ kwati tep elewilinañ ekme anğasimti dâlân zem msalen topme

elimiakñan ke mayek bein. Sepem kegogak am mânep milawalin teman ekñenan gakime mka mundumin etañan tabe.

¹² An ñen ek nukñanen katikñan bemti tapme Kawawañan eget nâme dolakñan mambein. Ek nukñanen windenjan mambein beme Amobotnanañ mama kanzizit keyan miakpewe. Ke am Kawawañgat gogot mampeip ekñen indandayet zetik mge.

¹³ An ñen bekanangot tetimaemae sokbem-same kapigok ku zewe. “Kawawañan tatetinem nikzin.” An ñenan Kawawañ ku tetipepeyelen ma egañ kegogak an ñen bekanan mimiyet ku matetipein.

¹⁴ Tetimaemaeyet yañan kapigosetgatnañ masokbein, ñeñan an ñenan ikñañgalen mama mimi mgasik mimiyelen tikñañan keñanen tazin keyan zemandamti tetipeme bekanan mme teman mambein.

¹⁵ Âpme bekanan mimiyet keñ punpun mamin keyan penañan yom maaiksain. Yom keyan tapmetneti teman bemti penañan gakiki maaikzin.

¹⁶ Notnne penañ, in zet keyet ku nâmyunjuwep.

¹⁷ Kawawañan kegok ku mimiyelen egañ taolet dolakñan ke mandain. Keyet Kawawañ Bipm An kwitnañ kwitnañ busatnañanmak sambe mme sokbeye. Mme busatnañ ekñen keyan kan notnangot busatnañin teman manzin ma kan notnangot aiaikñan manzim. Ma nin Kawawañ tañam kebonmak ku bem mek ekbanek. Ek sepem kwep matazin.

18 Kawawaŋaŋ nâmâtâtpeye ke zetnaŋ penaŋmagesetgatnaŋ am nâmkinpepeen nemunambaŋane nin ndaige. Ke nin kwitnaŋ kwitnaŋ sambe Kawawaŋaŋ mge keyet ŋeŋaŋinok benup.

Kawawaŋgalen zet wagaŋ etaŋ nânâ ke ŋep yek

19 Notnne penaŋ, in kapigok penaŋ nâseip, am in Kawawaŋgalen zet wagaŋ nânâyet elen belen bempti nâmbep. Zet zemti ŋenzinziŋ mimiyetgut kwelen kwelen mbep.

20 Enenogat ŋenzinziŋ palen kwitnaŋ kwitnaŋ mamip keyaŋ Kawawaŋgalen mama mimi teŋ keyelen set mamimyunŋuin.

21 Keyepmti in mama mimi mgasik sambe notnaŋ ma bekaŋaŋ msat palen palakŋaŋ bemptazin peme tapme keŋ sewak palen mamti Kawawaŋgalen zelaŋ keŋinan tewaŋ kindiŋaŋ time matowezin sepem kekok keŋinan time topme mamambep. Keyaŋ keŋin aŋgalaŋindendeyelen windenaŋ tasain.

22 In Kawawaŋaŋ zet keŋinan bempaye keyet penaŋaŋ aikbep. Belak wagaŋ etaŋ nâmpemti ku nânâŋaŋ sepem mambep beme keŋin tetipewep. Kogogat zeme nâmti keyet kataŋ mbep.

23 Nenaŋ Zet Zapat Dolakŋaŋ Penaŋ nâmtiŋut ku nânâŋaŋ sekem mambe beme an keyaŋ anaŋ zimoselin gapiamen ekti naman gilik zem belakŋaŋ ekti zimoselin makandat indoin sepem kekok bewe.

24 Egaŋ ŋeŋzimosetnaŋ gapiamen ekpemti toti met kileŋ mamamti naman ŋeŋzimosetnaŋgat makandazin.

²⁵ Ma ñen egañ Kawawañgalen zet penañ yomgalen mka katikñangatnan tetimti lala mapein zet ke yañañ weyañnâmâtâti mambe mti wagañ nânge ke ku makandatkuin. Nâmti gawepuwe an keboñ ke Kawawañañ nâmtikñañ mpemti mukulem mme oloñen palen mambe.

²⁶ An ñenañ pigok mene otnâmbe, “Neñ an nâmkñipepemak penañ mamayap,” zeyeyangut dembusekñañ ku ekdamuñ mbe beme keñañ tetipewe. An keboñ nâmkñipepenañgalen mama mimiñañ belakñañ penañ bewe.

²⁷ Nâmkñipepen esemteñ ma kakanemuñ keyet penañañ Bipm Kawawañgat zikatnan penañañmak bembeyelen kapigok mman ñep bein: Imbi kwambet ma nemba dumen olat olat palen mame indikdamuñ mimindendeyelen. Ma msalengalen kwitnañ kwitnañ keyañ keñin mme bekanañ bembeyelen keyet eksemte mamambep.

2

Am mânep milawalin temañ ma am bekopsat sepem kwep indatiwep

¹ Notnne, in Amobotnañ Zisas Kislais manâmkñipepgapmti am ekñengat tuñguwinangatnañ notnañgat ken ke ken ke ku mbep.

² Neñ kapigogapmti zeyap, ondedakñinan an ñen melakandu dolakñañ peme topme elimiak sopmañ mti kobe. Âpme egat baman an ñen bekopsat sangum kâlâpmañ endeleletnañañ kobe.

³ Âpme in an elimiakñañ temañmagañ kopme ekti pigok zewep, “Geñ pien mundumen kototat.”

Kegok zempemti an bekopsat egat pigok zewep, “Geñ kainde bap palen metotat.”

⁴ In zemdelañ zenze mulup mimiyet kwiyañ zemindeyeyepm kegok mti am ñen mmopemti ñen mtopemti tapmip? Kegok miyo ke bekanañ.

⁵ Notnne, zet pigok zema nâit. Kawawañañ am sepem ziboñ indakumtetime kobien? Msalen am bekopsat mamaip ekñen ke nâmkijpepeen polak polak talipgpm Kawawañgalen zemâtâtât katnanen mama keyet keñan mebegat indaman-dame kobien. Ke am egat nâmtikñañ mam-peip ekñen kegok mimindandayet zetik mami-mindain.

⁶ Âpme in am bekopsat ekñen zikalin galemaset maindigip. Ekñen ke mtot indemti nukñañ sekñinanek mambemindeip. Mme am sekñin mamolip ilin keyañ nukñañ indamti in an damuñmagen zelen maindatimti melip.

⁷ Mti Zisas in ikñañgat zapat indatitiñañ egat kwitñañ pembenañ ke kwelatmakumpeip.

⁸ Gitañgat mañgembein sepem kegogak am notañgat gembewe. Zii zet Kawawañgalen Zet Itñañanen mamañ kegok penañ kumpepeñañ ke gawepume ñep penañ bewe.

⁹ Yañgut am ekñengat ken ke ken ke mbanik beme geñ an zii zet kululutoñ bewanik ma kegok mnekgapmti yomm mnik kegok bein.

¹⁰ Am ñenañ zii zet sambe ke gawepumâpme delañ zemâpbe yañgut zii zet kwep penañ ñen kuluwe beme an zii zet kululutoñ.

¹¹ Kawawañañ pigok zeye, “Awembiñ it kalelañ ku mbalup,” zemti ñen ewe pigok zeye. “Geñ kasa

ku kuwanik,” yangut geŋ imbindi katipepepiŋ mamti kasa kuwanik beme geŋ an zii zet kulu-lutoŋ.

¹² In kapigok nâmbep, Kawawaŋgalen zet penanŋ yomgalen mka katikŋangatnan indatetimti lala maindein zet keyanŋ zemdelanŋ zenze kanen kosâpm keyepm weyanŋ nâmâtâti zelin sambe zewep ma mama mimi sambe weyanŋti mbep.

¹³ Enenogat Kawawaŋanŋ am ŋengat anŋalanŋ gogot ku mamip egaŋ am ekŋen ke kogogak anŋalanŋ gogot ku mimindawe. Bamgat anŋalanŋ gogot palen mama keyanŋ kasa kasa palen mama selanŋ ime tobe.

Nâmkiŋpepe mulupmanŋpiŋ ke nâmkiŋpepe penanŋ yek

¹⁴ Notnne, an ŋenanŋ, “Neŋ nâmkiŋpepemak mamayap,” zewe, yangut egaŋ am ŋen ku mukulem mpewe beme nâmkiŋpepe keboŋ keyanŋ zigok kan delanŋ zenzenanŋ gapmukulem mbe?

¹⁵ Inmagengatnanŋ ŋenanŋ sanŋum kâlâpgat ma tu meuyet olat olat palen mame

¹⁶ ekti ŋenanŋ pigok dunduwe, “Geŋ meti ŋep masenik mti tâgâyet msenikgat bakeyanŋ ambulut mane kipmanŋ beme tasenik ma tu meu omba penanŋ nimnaleksenik.” An ŋenanŋ zelanŋ etanŋ kekok zemti am notn notn ku mamimindeinanŋ kekok zeme zigoset ŋep mukulem mpewe?

¹⁷ Keyepmti nâmkiŋpepeyanŋ keŋ taolet mimi mulup ku mbe ek nâmkiŋpepeyanŋ penanŋanŋ yek bembenanŋ kekok zewanup.

¹⁸ Yangut an ŋenanŋ pigok mene zenak, “Geŋ manâmkiŋpempti mamanik mme neŋ mama mimi

dolakñaᅇ etañ mamiyap.” Âpme neᅇ pigok zewi, “Geᅇ nâmkĩᅇpependi ke zikat namane ekma mama mimi dolakñaᅇ kemak pepeᅇ ku mambein keyepmti nâmkĩᅇpependi penaᅇpeᅇ.” Ma neᅇ nâmkĩᅇpepen zikat gama eegalen mama mimin dolakñaᅇmak temakwep mma ekbak.

¹⁹ Kawawaᅇ Ek kwewetaᅇ zet kapi penaᅇ manâmkĩᅇpenik e ᅇᅇ mamnik yaᅇgut zet ke we bekaᅇaᅇ ekᅇᅇaᅇ keᅇogak manâmkĩᅇpeᅇ. Mti keyet seᅇelaᅇ diᅇdiᅇ mamip.

²⁰ An keᅇdiᅇiᅇ, geᅇ pigok nâmbek, geᅇ belak etañ nâmkĩᅇpemti mama mimi dolakñaᅇ ku mbanik beme nâmkĩᅇpependi ke belakñaᅇ penaᅇ bewe. Zet keyet yaᅇᅇ zemkawaᅇ bembeyelen zet zapat kapigok msowap ke kapi:

²¹ Eweᅇaᅇ sokᅇ Abalaam eᅇaᅇ nemuᅇaᅇ Aisak sâpe sâpe bumbu munduman mopeye. Kan keyet Kawawaᅇaᅇ nâmpeme an teᅇ penaᅇ beye ke mama mimiᅇaᅇgaᅇtyepmti keᅇok mge.

²² Keyepmti pigok eknup, Abalaam nâmkĩᅇpepeᅇaᅇ ke mama mimiᅇaᅇaᅇ mukulem mpeme penaᅇaᅇmak beye.

²³ Eweᅇaᅇ Kawawaᅇaᅇ Abalaamgat pigok zeye ke katikñaᅇ beye. Abalaam eᅇaᅇ Kawawaᅇ nâmkĩᅇpeme eᅇat nâmpeme an teᅇ beye. Keyepmti eᅇat kwitnaᅇ Kawawaᅇgat notnaᅇ penaᅇ kogok zenzeᅇaᅇ.

²⁴ Eᅇit. Kawawaᅇ eᅇaᅇ am ᅇᅇ nâmkĩᅇpepeᅇaᅇgat etañ nâmpeme an teᅇ ku mambein. Eᅇaᅇ mama mimi dolakñaᅇ ma nâmkĩᅇpepe eᅇet keyaᅇ temakwep bemalu keyet nâmpeme an teᅇ mambein.

²⁵ Keyet sepmeŋ ɲen imbi set kilen mama kwitnaŋ Leap egaŋ Zâsuayaŋ an zut zemideme msat wilingim eksâgât mebun idikdamuŋ mimidemti zemideme set ɲeneset mebun keyepmti Kawawaŋaŋ Leap egat imbi teŋ kekok nâmpeye.

²⁶ Keyepmti nin pigok nânup, sekŋ kapi nâmamaŋpiŋ ek ilak gakimti titokŋaŋpiŋ mawein. Kegogak nâmkiŋpemtî mulup dolakŋaŋ ku maminup beme nâmkiŋpepeyaŋ gakimti yek penaŋ mambem wein.

3

Nambalamm weyaŋ ekdamuŋ mpewanup

¹ Notnne, ingat tuŋguwinaŋgatnaŋ an zikat indanda mulup mimiyet winderŋaŋ ku bewep. Nâip, zemdelan zenze kan temanen Amobotnaŋaŋ zikat indanda an nin kwitnaŋ kwitnaŋ mmotindawe.

² Nin sambeyaŋ kwitnaŋ kwitnaŋ mene mene maman yuŋgumtemezin. An ɲenaŋ zikat indanda mulupmaŋ yuŋgumti zet kwep ɲen ku manzein beme an ke an dolakŋaŋ penaŋ. Kegok min beme sekŋaŋ butnaŋ notnaŋ sambe ɲep indikdamuŋ mamin.

³ Âs ekŋen zetn gawepupuyet nâmti aen butnaŋ takanzi nembon dembusekŋinan pemann maa-pum talip. Âpme bukebon keyaŋ âs temaŋ mim guluk gilik mampeme keyet nânânŋ mamezin.

⁴ In nembuen waŋga mamain keyet kekok otnâit. Waŋga ke temaŋ penaŋ tâgâ katikŋaŋ keyaŋ indakumbume mamelip. Yanŋut waŋga

mti mamain egañ wañga teman ke deset mebe-
galen nâin beme kwitnañ ñen stia zeip ke isikñañ
bugan keyañ mme gilik zemti egañ manâin keye-
gak esemteñ mamezin.

⁵ Âpme am ningat nambalam sepem keboñagak
isikñañ bugan yangut kwitnañ kwitnañ
nukñañben penañ mamin. Nâip, tep butnañ
menzok mann zinak ek isikñañ penañ yangut
bukeyañ bumann zimti tep msasat teman
manzim kawañ bein.

⁶ Âpme ningat nambalam tep butnañ menzok
mann zinak bukeboñ. Egañ sekñ notnañ sambe
mtot indemti bekanañ omba penañ mamin.
Egañ sekñ sambe mama mimi bekananset main-
damepme walepmâzin ma egañ sekgalen mama
mimi bekanañ keyañ tepnok bume zime mama
mimin bekanañ penañ mambein. Zet bekanañ
keboñ zenzeyet nambalaman tep butnañañ teziñ
ñandañengatnañ mapendoin.

⁷ Soñgom sepemañ ikñañ ikñañ tuengatnañ ma
katikñañgatnañ ma age ma nombe mee ke amnañ
mme sewakñañ besâti ñep mamsewakñañ mam-
beip.

⁸ Yangut nambalam kapi an kwiyañ ñep mse-
wakñañ kumbempepeyelen. Ek tagogopiñ guluk
gilik mti bekanañ mti mimiek mamin. Nombe
menemae keyelen zet tunañ bekanañ am indime
gakikiyelen keyet katan.

⁹ Nambalamnañ Amobotnañ Bipm
masesewatsanup ma nambalam ikñañ keyañak
Kawawañañ am ikñañgat sepem mimindeye
ekñen ke manzementalatindenup.

¹⁰ Dembusek kwep keyañak sesewat zet ma zemtalalat zet matozin. Notnne, mneti nin mama mimi kekok mbanupmagengat.

¹¹ Tu zikatnañ kwep keyet tu penañ ma tu yoyonj temakwep ku makwalup.

¹² Notnne, simam zup tepmanen sanjaneñ penañ ñep wenak? Ma sam tepmanen simam penañ ñep wenak? Ma nembu akñañañ tu niniyelen dolakñañ benak?

Nânâ dolakñañ Kawawañmagengatnañ makozin

¹³ Ingat tunjuwinanğatnañ an ñen nânânñañ dolakñañ ek ñen mamain ma yek? Mamain beme egañ mamañañ ekdamuñ mme dolakñañ penañ bewe ma mobotnañ ku mbe ma ñoktik dolakñañ mam keyet penañañ am notnañ ekñen zikat indame eknâm mbep.

¹⁴ In keñ kuku mti am notnañgalen mama mimiyet eiyak mti nen nâyap nâyap mamip keyet nâme nânâ penañ nâmtatnup manâip. Kegok mamip beme ke nânâ penañ yek; dâsuki keyepm sek mobopiñ.

¹⁵ Nânâ sepem keboñ ke gwaengatnan kwatoge kekok ñep penañ ku zenzeyelen yek. Nânâ keboñ ke msalengatnañ, anmagengatnañ ma Sadañ ekmagengatnañ.

¹⁶ Keñ kuku mti nâyap nâyap palen mnik beme keyet keñaset mama mimi bekanañ mamsokbein ma mama kileñ mama masokbein.

¹⁷ An nâmâtâzin egañ mama mimi dolakñañgalen nânâ ke Kawawañmagengatnañ toge keyelen mama mimiñanen kapigok

masokbein: Keñ kwatetepmanmak mama ma keñ sewak palen mama ma keñ taoletmak mama ma mtoti mama ma anğalan gogot palen mama ma mama mimi dolakñan mimi ma ken ke ken ke ku mimi ma kwalan kwalanpiñ mama.

¹⁸ Keñ sewak palen mamayet maomkakalip ekñenan keñ sewak keyet alikñan maondeip keyet penañan teñ mama ke mamsokbemindain.

4

Am msalen kwitnan kwitnan kakikiyet tikñan manâip ekñen Kawawanğat kasanane

¹ Inmagen kasa kasa mam maip ma âmanda manda masokbein ke yañan kwilekiyet? Keññinanen sekgalen kwitnan kwitnan titiyet tikñanin indamandame tisât sebet dindiñ mamip keyan ke tati mme âmanda manda mamip.

² In keyet keñin mawazinangut keyet penañan toñan kumambeip. Keyepm in dopman mekum kokum mimiyele maweyanbemtali ma dopman kekelim dopman kekelim mtingut keyet penañan ku tiwien. In kasa kasa ma mdândândâ mulup mtingut penañ time kwaopme ku manimwianip sepem kebon. Ke dundundupiñ belak kileñ mamaip keyet penañan kekok mamip.

³ Naman ñen mandunduiپ wañgut penañan ku matip. Ke keñinanen bekanan kapigok tapme keyepmti mandundum aleip. In kwitnan kwitnan tisât mandundup ke ilinangat tikñaninangat mâti etañ mandunduiپ keyepmti penañan ku matip.

4 In Kawawaŋ bamkumpemti tususuŋin maelenŋeip, msalen kwitnaŋ kwitnaŋ bekaŋ mti mambe am keyaŋ Kawawaŋ mabamkumpein. In ke nâip? Keyepmti an ŋen msalengalen kwitnaŋ kwitnaŋ kapiyet notn notn mpewe beme Kawawaŋgat kasaŋaŋ bewe.

5 Kawawaŋgalen zet muluwaŋ kukuŋaŋ tazi-nen ke esemteŋ ku mâti zeye, egaŋ zet ke galak zeme zeye, keŋnanen Emetak Teŋ beye keyaŋ egat zapat etaŋ penaŋ mamayet windenŋaŋ penaŋ mamin.

6 Mti nembetnaŋ keŋ taolet omba penaŋ maminndain. Keyet Kawawaŋgalen Zet Itanaŋanen muluwaŋ pigok penaŋ mimiŋaŋ tazin, “Kawawaŋ egaŋ am mobotnaŋ mamip ekŋen bandimin mamâtâtindein. Ma am mtoti mamaip ekŋengatgut keŋ taolet mamindain.”

7 Keyepmti in Kawawaŋgat kandaŋan meti mambep mme Sadaŋ indetetim indiksât kopme kan keyet ek ekti ku kuŋzuŋbep. Katikŋaŋ bempapme ke ekti kiŋgatindemti kunzuŋbe.

8 In Kawawaŋmagen sokŋanik mepme egaŋ keŋgak inmagen sokŋanik kobe. Am yomtoŋ, in bekaŋaŋ mti keŋin time kileŋ mamekozin in keŋin peme Kawawaŋaŋ weyaŋ zulut kaput mme mama mimiŋin kwetetepmaŋ bewe.

9 In mama mimiŋin mgasik keyet otnâmti si kembeŋ mbep. Oloŋen zeyen palen mamayet beme kembeŋ palen tabep. Ma oloŋen palen mamaip beme si kundundu temaŋ mbep.

10 Amobotnaŋgat kandaŋaŋ mtoti mame egaŋ mwatonzemindewe.

Nolin zet bekanan ku diindowep

¹¹ Notnne, in zet bekanan ku zewep. An njenan notnanggat zekukunan mti zelen pewe beme ek zii zet mtopewe. Enenogat Kawawangalen zii zelan notn notn mmamayet zenzenan ke egan angosoye kegok bein. Geŋ zii zet angosowanik beme geŋ zii zet gawepupu an ku bewanik. Geŋ an zemdelaŋ zenze an benik ke yomanmak.

¹² Kawawaŋ iŋnan etaŋ zii zet ndaye keyet toŋan ma Egan etaŋ ningalen an zemdelaŋ zenze an bein. Ndatim tatagalen winde ma ndaketim ndendeyelen winde e ekmagen etaŋ tasain. Geŋ kwindan nodangalen zet zemdelaŋ zenzeyet mulup ke gaye?

Sek ku mobogalen golan zet

¹³ Inmagengatnan an notnan eknenan kapigok manzeip, “Alak ma seŋenen kapi met msat ke nup kan kwep mamti mânep mulup mti mânep milawat teman timti gilik zemti kobanup.”

¹⁴ In seŋenen ma âgânen kwileki nen zigok sokbemindawe ke in nâip? Geŋ gitanŋat mamandi msalen mambanik kapi teepman ke ku nânikgapmti buzak tat. Am ningat maman kasek keboŋ belatnik ekmann moti madiŋpein keboŋ.

¹⁵ Keyepmti in kapigok zeme nep penan bewe, “Amobotnanan nâmdeme nep beme nin ewe alik mamti mulup ke ma ke nep mbanup.”

¹⁶ Yanŋut in zet mobotnan zet iŋnak nen penan zemti sekŋin mammolip. Sek mmobot zet ke mgasik penan.

17 Keyepm an ñen ek kwitnañ kwitnañ dolakñañ ke mimiyele setnañ nâmtati mimiyele wisat mbe beme ek yommak bewe.

5

Am mânep milawalin temañ ekñengat golañ zelin

¹ Am mânep milawalin temañ in sek sindem sokbemindawe keyet eweñañ pigogat kember palen mamti si kundundu omba penañ mamambep.

² Mânep milawalin ke etimbemti yek bemâbe ma sañgum kâlâp elimiakñin sopmañ ke msatgat zapat bemâbe.

³ Ma mânep ma gol silwañin sañgip sañgip kwabe. Âpme sañgip sañgip keyañ ilinañgat yañañin msokbemindemti tep keboñ bemti indazimâbe. In kan delañ zenzeyelen bududuk tabeme keyañgut in mânep milawatgat mulupmañ mti time manje temañ moge.

⁴ Nâip, mulup an ekñañ muluwengatnañ meu penañañ akumindame in keyet tosañañ indamti butnañ ilin elengetiwien keyañ ingat kwizet temañ penañ takuip. Âpme geñ tosañin ku indanik beme ekñengalen gawekum gaio keyañ kululuñengalen kasa kuku an ekñengalen Amobotnañ egat wakñañ topme manâin.

⁵ Msalen kapi in nukñañ ñen ku aikti omakumbembe mulup igagen mamip. Kan in zemindondoyelen kanen nâme bududuk bein keyañgut in keñañgalen tikñañ mâti tapmaip

ke sekem bo palangume sememti gunabiknan mambem tazin. Âpme bamgat maindonip kebonj.

⁶ In am kwetetepman eknen zelen zemindomti kasa mamimindeip. Eknen am yommpin belak tungupmane maindom walepme eknenan dowin mimipin, belak matalip.

Nin nuknan sokbemndame keyet nâmann beten-anj beme windembenj tabanup

⁷ Notnne, in Amobotnanj kobe keyet damun nâmisimti mambep. In kapigok maegip, an nenan mulup mti kwitnanj kwitnanj ondempeme mawanj toti mme kwakwatgat damunj matazin keyet katanj in damunj tabep.

⁸ Âpme Amobotnanj kokotnangat kananj kegogak soknan bein keyet in damunj nâmisim mami kenin mkatiknanj bemti tabep.

⁹ Notnne, Amobotnanjanj inmagen zemdelanj zenze mulup msâgât kosâpm keyepm in mami wisat zet ku mbep. Zet zemdelanj zenze An ek ilak soknanik penanj kozin. Pe nâmti tapmip ma yek?

¹⁰ Notnne, golanj zenze an eknenanj Amobotnangat zet zapatnanj zemkawanjbewien eknenanj sek sindem wisatnepin timti titiyek mbien yangut eknenanj nâmisim tabien sepem kegogak in nâmisim mambep.

¹¹ Nâip, sindem keyet kenjan tati windemak mambien eknjengat Kawawanjanj nâme dolaknanj penanj bein. Zop eganj sek sindem palen tati nâmisim tage ke nâip. Mme bam Amobotnanjanj kwitnanj kwitnanj omba penanj saye ke nâip. Amobotnanj ek ningat kembenj mindemti angalanj gogot penanj mamimndein.

Zemkatikbembe kileŋ ku mbep

¹² Notnne, zet penaŋ ɲen kapigok mimiyet zema nâit. In kululuŋgat kwitnaŋ kumti zelin kaliŋaŋ ku bandim mbep. Ma msatgat kwitnaŋ ma kwitnaŋ ɲeniyet palen kumti zelim ku bandim mbep. In penaŋ, “penaŋ” zeit; Yek, “yek” zeit. Zet penaŋ ku zeip keyet Amobotnaŋaŋ zelen indewe.

Am teŋ ekɲengalen dundunduŋin windenjaŋmak

¹³ Inmagengatnaŋ an ɲenaŋ nukɲaŋ keŋan tabe egaŋ Kawawaŋgat dundum sawe. Ma ɲenaŋ oloŋen palen mambe egaŋ Kawawaŋgat kwizet buŋamaŋ mwati sesewat silik kuwe.

¹⁴ Inmagengatnaŋ ɲenaŋ zawat mbe egaŋ an ɲeŋaŋ bembe notnaŋ zeme kot ondektati egat mti dundundu mulup mbep. Mti Amobotnaŋaŋ mukulem mpepeyet dundum sawep ma âlip katnaŋgat kelakɲaŋ isikɲaŋ bugan keyaŋ kaput pewep.*

¹⁵ Âpme nâmkijpepemak tati dundundu mulup mbep beme an zawatmak ke Amobotnaŋaŋ weyaŋpewe. Ma an ke bekanan ɲen mge beme yomaŋ katikpewe.

¹⁶ Keyepmti in alik besât nâmti yomin zemsokbemti dundunduyen mukulem mukulem mbep. An teŋ mamain egalen dundunduŋaŋ penaŋaŋmak masokbein.

¹⁷ Golaŋ zenze an ɲen itnaŋaŋ manŋe kwitnaŋ Ilaiza ek kegogak an nin kabonak. Âpme egaŋ

* **5:14:** Zuda am ekɲenaŋ âlip tepgat misikme kelakɲaŋ topme keyaŋ melesenok manzulutindetemien.

msalen map ku totogat nâmti dundume msalen map tototpiñ nup kan tuk ma eyonğa 6 kasup takwage.

¹⁸ Âpme bam ewe map totogat nâmti dundume kululuñengatnan mawañ toti msat kume naman kwitnañ kwitnañ dolakñañ kwapmâge.

An set kileñ mege beme mtati selenegak pe-wanup

¹⁹ Notnne, inmagengatnañ an ñenañ zet zapat katnañ penañ katikpemti mama mimi bekanañ mge beme in gilik zemti wabep.

²⁰ Keyepmti in zet kapi weyañ nâit. An ñenañ notnañ a yomtonñ gilik zemti wati kwabe beme egañ notnañ ke gakikiyet zapat tatatnanen gilik zemwabe. Mama mimi kegok mme Kawawañañ yomañ sambe manzulupme mepmâzin.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

ea68a902-358a-5c72-82de-a583fc4809e7